

(...)

Esquie, testament

Au nom de dieu soict scaient tous p(rese)ns et advenir
que l **an mil six cens trente** et le **cinquiesme** jour du
mois d **avril** regnant n(ot)re souverain et tres chrestien
prince louis par la grace de dieu roy de france et de

.....

196

navarre, apres midy au lieu de **bondigous** viscomte de
villemur **dans le grand chemin** tendant **du fondz du village**
dud(it) bondigous **a()l()eglise** dud(it) lieu et **devant la grand ma(is)on**
des heretiers **de feu george pomier** au diocese bas
montauban e(t)seneschaucee de tholose pardevant moy
not(air)e royal sous(sig)ne e(t)p(rese)ns les tesmoins bas nommes
s'est presente **a la fenestre** de la chambre de lad(ite)
ma(is)on **au dessus du portail de l entree** d icelle **guill(aum)e**
esquie travailleur habitant **de villemur** lequel ayant
este **remis dans lad(ite) ma(is)on** po(ur) avoir este **souçone**
estre atteint de la maladie contagieuse et se treuvant
a p(rese)nt **feru de lad(ite) maladie** et **grandement abattu**
toutesfois par la grace de dieu en ses bon sans
jugement memoire e(t)parfaiite cognoissance bien
voyant oyant e(t)parlant considerant l incertitude
que toutes creatures ont de l heure de leur deces
et po(ur) estre d autant mieulx dispose lors qu()il plaira
a dieu l appeller a soy a de son bon gre pure e(t)franche
volonte non seduict induict ny suborne de personne
faict et ordonne son testament nuncupatif et der(nier)e
disp(ositi)on de ses biens comme s ensuite en premier lieu
c()est recommande a dieu le suppliant luy vouloir
pardonner ses peches, si veult qu incontinant apres
son deces **son corps** soit **ensevely au cimetiere plus**
proche du lieu ou il decedera **si dieu luy fait la**
grace de rellever de ceste maladie et que l apprehention
de la contagion ne l empeche et ce selon l ordre de
la religion catholicque romaine remettant ses honneurs
funebres a la discretion de **blaisette galan sa femme**
laquelle de galan il ordonne po(ur) tutrisse et administreresse
des personnes et biens de **anthoinette esquiere leur**
fille et du postume ou postules si elle est enceinte
sans qu'elle soit obligee de f(air)e proceder a la faction

.....

dinventaire de ses biens po(ur) estre iceulx de si peu de valle(ur)
que les frais emporteroit la plus grand partie ny rendre
aucung compte de l administra(ti)on s assurant qu'elle s en
acquitera deuement et en to(us) et ch(ac)uns les biens noms
droictz voix et actions dud(it) esquie testateur icelluy a faict
et institue son heretiere universelle et generalle lad(ite)
anthoinette esquiere sa fille bien veult que si sad(ite)
femme estoit enceinte que le postume ou postumes soient
heretiers esgaux avec icelle esquiere et en cas l()ung
d eulx viendroit a deceder avant avoir attain leage
de quatorse ans po(ur) les masles et la fille doutze ans ou
appres sans f(air)e testament que les biens du decede viennent
au survivant et si to(us) venoient a deceder que ses biens
et entiere heredite viennent a lad(ite) blisette galan
sa femme ,]pour[po(ur) en pouvoir f(air)e et disposer a la vie et
a la mort toutesfois veult et ordonne led(it) testateur que si
anthoinette romieu sa mere ne pouvoit compatir de f(air)e
sa demeure et vivre ensemblement avec sad(ite) femme qu'elle
jouisse pendant sa vie de la moitie de ses biens le cas
arrivant que lad(ite) anthoinette esquiere et le postume ou postumes
decedassent et tel a dict led(it) esquie estre son testament
et der(nier)e disp(ositi)on que veult que vaille par droict de testament
codicille dona(ti)on e(t)par tout au(tr)e droict uz stil et
coustume que mieulx pourra valoir , cassant revoquant
et annullant to(us) les testamens et disp(ositi)ons precedantes
affin que le p(rese)nt sorte a effet sy a pries les **trois**
tesmoingz cy apres nommes d'estre memoratif de sa volonte
n'en ayant peu avoir davantaige a cause que **dans** led(it)
lieu de **bondigous n()y a que peu d hommes qui ayent reste**
de la ma(la)die contaigieuse estant ceulx qui ont reste occupe
ce jourd'huy au travail de leurs vignes jointct que led(it)
esquie n avoit peu demeurer que fort peu debout ayant
este constraint de se renfermer et a moy d(it) no(tai)re

.....
197

m()a requis luy retenir instrument ce qu'ay faict ez p(rese)nces
de mathieu gay pierre et au(tr)e pierre barratz dud(it)
bondgous ne scaichant signer ny led(it) testateur et moy no(tai)re
requis /

Esteverin, not(aire)